



01
1511
PB:108

Bosnia and Herzegovina
Federation of Bosnia and Herzegovina
CANTON SARAJEVO
Ministry for Education

Broj: 11-04/02-43277-1/21
Sarajevo, 31. 3. 2022. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

Predmet: Odgovor na zastupničku inicijativu, dostavlja se

ZASTUPNIČKA INICIJATIVA:

Zastupnik Mahir Dević je na nastavku 45. Radne sjednice Skupštine Kantona Sarajevo, održanom dana 14. 12. 2021. godine, u okviru tačke Dnevnog reda: „Poslanička/zastupnička pitanja, inicijative i odgovori“, a u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“ – Drugi novi prečišćeni tekst - broj: 41/12 i 15/13, 47/15, 48/16, 9/20 i 14/20), uputio sljedeću zastupničku inicijativu: „Upućujem inicijativu Ministarstvu za odgoj i obrazovanje Kantona Sarajevo da se izmjeni Odluka o školskom kalendaru za školsku 2021/2022. godinu na način da se kao nenastavni dan odredi dan kad muslimani obilježavaju Lejletu-l-kadr 27. noć mjeseca Ramazana.“

OBRAZLOŽENJE: Nije navedeno u Inicijativi zastupnika Dević Mahira.

ODGOVOR:

Ministarstvo za odgoj i obrazovanje donijelo je školski kalendar za tekuću školsku godinu u skladu sa zakonskom obavezom. Od školske 2013/2014. godine, od kada je uveden postojeći model obilježavanja vjerskih praznika kroz Školski kalendar, dato je sljedeće obrazloženje: ... *vodeći računa o multikulturalnoj sredini u kojoj živimo, kao i o činjenici da obilježavanje vjerskih praznika predstavlja pravo svakog pojedinca na slobodu ispoljavanja vjerskih opredjeljenja, Ministarstvo za obrazovanje, nauku i mlade je na stanovištu da u sredini kakvu predstavlja Kanton Sarajevo, ispravan način obilježavanja vjerskih praznika jeste da za nenastavne dane budu proglašeni dani kada se obilježavaju vjerski praznici pripadnika islamske, pravoslavne i katoličke vjeroispovijesti i da se tretiraju kao neradni i nenastavni dani za sve učenike i nastavnike u svim odgojno-obrazovnim ustanovama na području Kantona Sarajevo.*

Ministarstvo za odgoj i obrazovanje Kantona Sarajevo pozdravlja inicijativu zastupnika Dević Mahira, da se razmotri mogućnost da se u Školskom kalendaru kao nenastavni dan odredi dan kad muslimani obilježavaju Lejletu-l-kadr 27. noć mjeseca Ramazana, ali s obzirom da je u Kantonu




Sarajevo postignut zadovoljavajući nivo zastupljenosti obilježavanja vjerskih praznika (põ dva neradna odnosno nenastavna dana) na stanovištu smo da je u ovom trenutku dovoljan broj neradnih i nenastavnih dana u školskom kalendaru, kojim se obilježavaju vjerski praznici.

Za navedeni dan, mogućnost korištenja neplaćenog odsustva data je članom 54. stav (3) Zakona o radu („Službene novine Federacije BiH“, br. 26/16) kojim je definisano: *Poslodavac je dužan omogućiti radniku odsustvo do četiri radna dana u jednoj kalendarskoj godini, radi zadovoljavanja njegovih vjerskih odnosno tradicijskih potreba, s tim da se odsustvo od dva dana koristi uz naknadu plaće – plaćeno odsustvo.*

Ministrica za odgoj i obrazovanje Kantona Sarajevo je u skladu s članom 33. stav (11) Zakona o osnovnom odgoju i obrazovanju („Službene novine Kantona Sarajevo“, br. 23/17, 33/17, 30/19, 34/20 i 33/21) i člana 39. stav (4) Zakona o srednjem obrazovanju („Službene novine Kantona Sarajevo“, br. 23/17, 30/19 i 33/21) Odlukom broj: 11-34-26453/21 od 28. 6. 2021. godine utvrdila Školski kalendar za školsku 2021/2022. godinu.

S poštovanjem,


Ministrica
Naida Hoja Muminović

Dostavljeno:

1. Naslovu,
2. Stručna služba Vlade Kantona Sarajevo,
3. Sekretar Ministarstva za odgoj i obrazovanje Kantona Sarajevo,
4. a/a.